



## Publicaziuns dalla vischnaunca, jamna 22

### Damondas da baghegiar

**Nr. 2014-1020.000**

**Datum dalla publicaziun: 30 da matg 2014**

**Il patrun:** Heinrich Riedi, Pardomat 6, 7180 Disentis/Mustér

**Il representant:** Heinrich Riedi, Pardomat 6, 7180 Disentis/Mustér

**Object:** Construcziun d'ina remisa, parcella 350, Pardomat 6, 7180 Disentis/Mustér

**2014-1021.000**

**Datum dalla publicaziun: 30 da matg 2014**

**Il patrun:** Claustra da Mustér, Via Claustra 3, 7180 Disentis/Mustér

**Il representant:** Timon Reichle, Via Claustra 3, 7180 Disentis/Mustér

**Object:** Sanaziun dil zuler tier la porta claustrala, parcella 580, Via Claustra 3, 7180 Disentis/Mustér

**2014-1022.000**

**Datum dalla publicaziun: 30 da matg 2014**

**Il patrun:** Edith Bass, Via Sontget 1, 7180 Disentis/Mustér

**Il representant:** Edith Bass, Via Sontget 1, 7180 Disentis/Mustér

**Object:** Construcziun d'in paravent, parcella 917, Via Sontget 1, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 26 da matg 2014

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

**Nr. 2014-1017.000**

Marc Schmed, Via Alpsu 30, 7180 Disentis/Mustér; construcziun d'ina fatschada da veider, remplazzament dallas finiastras, casa sin parcella 510, Via Alpsu 30, 7180 Disentis/Mustér.

Disentis/Mustér, ils 26 da matg 2014

*Uffeci da baghegiar Disentis/Mustér*

---

### Sera d'orientaziun e discussiun

#### Invit

informaziun envida la suprastonza communal **venderdis, ils 6 da zercladur 2014** allas 20.15 en halla Cons ad ina sera d'orientaziun e discussiun publica. Sper la presentaziun dil project vegn monsignur avat Vigeli Monn a presentar ils projects en connex cun il giubileum da 1400 onns claustra benedictina.

*Suprastonza communal*



## Plan da quartier «Center dil vitg» cun regruppament da terren

### Publicaziun officiala

Sebasond sin art. 51 dalla lescha davart la planisaziun dil territori pil cantun Grischun (KRG/LPT) ed art. 18 dall'ordinaziun davart la planisaziun dil territori pil cantun Grischun (KRVO/OPT) vegn publicau officialmein suandonta documentaziun tiel plan da quartier Center dil vitg:

- Plan da quartier Center dil vitg; prescripziuns
- Plan da quartier Center dil vitg; situaziun 1:500
- Plan da quartier Center dil vitg; repartiziun nova 1:500
- Plan da quartier Center dil vitg; formaziun, situaziun e plan directiv 1:500
- Plan da quartier Center dil vitg, avertura e servituts 1:500
- Rapport digl uffeci funsil concernent il plan da quartier Center dil Vitg
- Mutaziun dil geometer official

Dil plan da quartier Center dil vitg sa vegnir priu envesta duront 30 dis (naven dils 2 da zercladur entochen ils 2 da fenadur 2014) en casa communal (stanza 10) duront las uras da spurtegl.

Duront il temps d'exposiziun sa vegnir fatg protesta alla suprastanza communal, caum postal 57, 7180 Disentis/Mustér. La protesta sto vegnir inoltrada a scret ed ei da motivar. Legitimai d'inoltrar ina protesta ein personas che san far valer enviers la planisaziun da quartier interess persunals, digns da vegnir protegi ni ch'ei legitimai leutier sin fundament dil dretg federal.

Disentis/Mustér, ils 27 da matg 2014  
*Suprastanza communal*

---

### Referendum facultativ spirau

Ils 23 d'avrel 2014 ha il cussegl da vischnaunca approbau il rapport da gestiun ed il quen 2013.

Encunter quella decisiun ei enteifer il termin fixau buca vegniu fatg diever dil referendum, aschia ch'il rapport da gestiun ed il quen 2013 ein approbai definitivamein. Il rapport da gestiun 2013 ell'usitada fuorma da cudischet ei vegnius distribuius ils davos dis en tuttas casadas. Ulteriurs exemplars san vegnir retratgs en casa communal (stanza da publicaziun).

*Suprastanza communal*

---

### Carrar sin vias d'uual e vias funsilas

Sebasond sin la lescha forestala sco era il reglament da traffic basegna ei ina **carta da controlla** per astgar carrar sin las vias d'uual e las vias funsilas. Retscheiver ina carta annuala san:

- proprietaris ed affittaders da beins immobiliars pigl access al schischom;
- furniturs, glied da professiun, guardiacamonas, concessiunaris (purtaders d'ina patenta cantunala ni communal) per praticar lur activitads.

La taxa persuerter munta **frs. 100.–**. Cumpriu en quella summa ein 2 cartas annualas (ina da quellas ei transmissibla). Da niev sa la carta era vegnir retratga en fuorma d'in taccader (oravontut per motors e quads).



### Taxas da carrar

Carta dil di frs. 15.–  
jamnila frs. 30.–  
annuala frs. 100.–

Las cartas ein da retrer tier l'administraziun communal. Las cartas dil di san, oravontut cura che l'administraziun communal ei serrada, era vegnir retratgas ella caffetteria dil Center da sport e cultura.

La polizia communal controllescha il carrar sin las vias d'uaul e castigescha surpassaments.

### Diever agricol

Per maschinas agricolas basegna ei negina carta da controlla. Pil diever agricol cun auters vehichels sto vegnir retratg tier l'administraziun communal ina carta da legitimaziun. La taxa persuerter munta a frs. 20.–.

### Attenziun Via Run

Muort il schliet stan dalla via vegn naven d'immediat tschentau ora neginas lubientschas dil di e dall'jamna per la Via Run.

*Suprastonza communal*

---

### Fiera tessinesa da stad

Naven da **gliendisdis, ils 2 da zercladur 2014 e silsuerter mintga gliendisdis duront ils meins da stad (zercladur, fenadur ed uost)** ha liug a Mustér ina fiera tessinesa. Ils stans vegnan endrizzai sil parcadi davos casa communal sper Via da scola.

La fiera ha liug mintgamai naven dallas 8.00–18.00.

*Administraziun communal*

---

### Uniun fallun e cascharia Disla/Mustér

**Sonda, ils 31 da matg 2014** ha liug a Disla/Mustér «Il di svizer dils mulins». Nus mussein bugen a vus la cascharia, la resgia, il fallun, il niev restaurau mulin da graun vegn mess quei di en funcziun ed era il talèr.

Plinavon mussein a vus las novas rodas d'aua per la resgia sco era il fallun. Ins sa era gentar tier nus.

A tuts in cordial beinvegni *la suprastonza*  
Mira inserat!

---

### Biblioteca populara Disentis/Mustér e contuorn

#### Bursa da brat

Nus essan buca mo ina biblioteca cun medias actualas nus essan era ina bursa da brat per maletgs da panini

Cura? **Gievgia, ils 5 da zercladur 2014 dallas 16.00 entochen allas 17.30.** Nua? Biblioteca populara Disentis/Mustér e contuorn casa da scola Cons, 7180 Mustér



## **Cuorsa dil Rein**

Preziadas vischinas, preziai vischins

**Dumengia, igl 1. da zercladur 2014** ha liug la 7. Cuorsa dil Rein. L'occurrenza sespleiga denter las 10.30 e las 15.30. Duront quei temps eis ei da quintar cun impediments entras curridras e curriders sin suandontas vias dallas vischnaucas da Mustér e Tujetsch:

Via Acletta–Via Luzzas–Via Sut Baselgia  
Via Glaretsch–Vitg da Segnas  
Via Tguinter  
Via Bugnei  
Via Niriel  
Via Surrein/Cavorgia  
Via Cavorgia-sut  
Via Valzeinza  
Via Raviul–Via Salez e Via Buretsch  
Via Cuoz  
Senda Cavorgia–Mumpé Medel  
Via Mumpé Medel–Senda Cufllons/S. Gada  
Via S. Catrina–Funs-dado–Via da Paders  
Via Claustra  
Via Sursilvana denter Mobilias Fry e Via Disla  
Via Disla  
Via Brulf  
Via Cavardiras  
Senda Brulf–Fontanivas  
Senda Fontanivas–Cufllons

Bien engraziament per Vossa capientscha e Vies sustegn! Ulteriuras informaziuns ed annunzias sut [www.cuorsadilrein](http://www.cuorsadilrein.ch). ch. Cordials salids igl ok

*la Cuorsa dil Rein*

---

## **Uniun da dunnas**

### **Lavar ora la baselgia**

**Mesjamna, ils 4 da zercladur** lavein nus ora la baselgia. Nus essan fetg engrazievlas a mintgina che pren la peda da vegnir e segidar cun nus. Era umens ein cordialmein beinvegni. Nus entschevin allas 8.00. Ils zenns tuccan. Prendei cun vus: lumpa, barschun e sadiala. En cass da mortori vegn il datum refiers sils 11 da zercladur.

Grond engraziament per vies agid.

*Las calustras e la suprastonza dall'uniun da dunnas*

---

## **Uniun samaritana Mustér**

### **Exercezi regional dallas uniuns samaritanas Tujetsch, Medel e Mustér a Medel Gliendisdis, ils 2 da zercladur 2014**

L'Uniun samaritana Mustér serimna allas 19.00 avon halla Cons. Equipament: resti cauld, buns calzers e cazzola da maun. Igl exercezi ha liug da tutt'aura.

Suenter igl exercezi vegn purschiu a tuts participonts in pign puschegn el «Hotel Cuntera». Sperond sin ina stedia participaziun salida cordialmein.

*la presidenta*



## Preavis

### 3. Zavrada da nuorsas, ils 27-9-2014

La 3. Zavrada da nuorsas ha liug **sonda, ils 27 da settember 2014** a Mustér/Salaplauna.

La fiera da products da nuorsas ed auters products regiunals ha liug dallas 10.00–16.00. Annunzias per in stan da fiera saveis Vus far a [info@agricultura](mailto:info@agricultura) ni tel. 081 936 48 00.

Nus fagein gia ussa in cordial beinvegni alla 3. Zavrada da nuorsas a Salaplauna. Ils purs e las puras da l'alp Lumpegna ed il Center sursilvan d'agricultura.

---

## Unterbruch infolge

### Kabelumlegungen/Information

Infolge Brückensanierung in Rabius und damit verbundenen Kabelumlegungen bei der Rhätischen Bahn muss auch die KnS-Kabelnetzleitung ausser Betrieb genommen und umgelegt werden.

**Nacht, Donnerstag/Freitag, 5./6. Juni 2014 von 00.00–5.00 Uhr.** Damit sind ab Sumvitg–Rueras während dieser Zeit Radio, Fernsehen, Telefonie und Internet via KnS-Netz unterbrochen. Wir entschuldigen uns für die Unannehmlichkeiten und danken für Ihr Verständnis.

---

## Seruschnar – paterlar – termagliar

Nus s'entupeiin mo da bialaura, **mesjamna, ils 4 da zercladur 2014** allas 14.00 sin la piazza da giug a Curaglia.

Sin Vossa participaziun selegra  
*Mummas cun affons pigns Mustér*

---

## Biblioteca populara Disentis/Mustér e contuorn

Preziada clientella. Muort ina occurrenza interna resta la biblioteca serrada **gievgia, ils 12 da zercladur 2014**.

Nus engraziein per Vossa capientscha.  
*Il team dalla biblioteca*

---

## Liebe Bibliothekskunden

Wegen eines internen Teamanlasses bleibt die Bibliothek am **Donnerstag, 12. Juni 2014**, geschlossen.

Wir danken Ihnen für das Verständnis.  
*Il team dalla biblioteca*



## **Uniun da dunnas Mustér**

### **Nova constituziun dalla suprastonza**

*Presidenta: Candinas Fabiana, Actuara: Murer Ursina, Cassiera: Làbas Christina, Cuors: Loretz Sigrid*

Demai ch'igl ei buca stau pusseivel da remplazzar tut ils posts vacants en suprastonza ei Nanetta Bisquolm sedeclarada prompta d'exequir siu post sco responsabla per las devoziuns sco tochen dacheu. Ella vegn denton buca ad assister allas sedutas da suprastonza.

La suprastonza selegra da seveser cun las commembras dall'uniun da dunnas al brunch offerius dall'uniun, ils 31 d'uost a Caischavedra e giavischa a tuttas ina biala e caulda stad.

*Suprastonza uniun da dunnas*

---

## **Uniun da catschadurs Péz Alpetta Salvament d'anseuls**

Preziai purs, uss ei il temps che las cauras cavriel fan ansiel. Stedi sesanflan ellas cun lur anseuls els praus che vegnan segai. Aschia vegnan mintga onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls sesanflan, ein supplicai da s'annunziar tier nus in di avon segar. Aschia savein montar mintgamai ina bandiera el prau pertuccont. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira sut la numera 079 304 33 61. Bien engraziament per vossa collaboraziun

*Uniun da catschadurs Péz Alpetta, il cau da tgira*